

ხელშეკრულება სახელმწიფო შესყიდვის შესახებ

(პროექტი)

ქ. გორი

„---“ „-----“ 2019 წელი

“სახელმწიფო შესყიდვების შესახებ” საქართველოს კანონისა და ----- მიერ ერთიანი ელექტრონული სისტემით წარმოდგენილი სატენდერო წინადადების საფუძველზე, NAT ----- ელექტრონული ტენდერის ჩატარების შედეგად, ვდებთ წინამდებარე სახელმწიფო შესყიდვების ხელშეკრულებას შემდეგზე:

ხელშეკრულებაში გამოყენებული ტერმინთაგანმარტება:

- “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – “სახელმწიფო შესყიდვების შესახებ” საქართველოს კანონისა და კანონქვემდებარე ნორმატიული აქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, რომლებზეც ხელშეკრულებაშია მინიშნებები.
- “შემსყიდველი ორგანიზაცია” (შემდგომ “შემსყიდველი”) - ორგანიზაცია (დაწესებულება), რომელიც ახორციელებს სახელმწიფო შესყიდვას;
- “მიმწოდებელი” - იურიდიული ან ფიზიკური პირი, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- „დღე“, „კვირა“, „თვე“ - კალენდარული „დღე“, „კვირა“, „თვე“.

1. ხელშეკრულების დამდები მხარეები:

ერთის მხრივ, სსიპ – გორი აზრამიშვილის სახელობის საქართველოს თავდაცვის სამინისტროს სამხედრო ჰოსპიტალი წარმოდგენილი მისი ----- სახით (შემდგომში შემსყიდველი); მისამართი: ქ. გორი, ჭავჭავაძის №56; საიდენტიფიკაციო კოდი: 218064699; საბანკო რეკვიზიტები: ქ. თბილისი, სახელმწიფო ხაზინა, მიმღები ბანკი – ხაზინის სერტიფიცირებული, სახაზინო კოდი №200122900; ანგარიშის №GE24NB0330100200165022.

მეორეს მხრივ, ----- წარმოდგენილი დირექტორის ----- სახით (შემდგომში მიმწოდებელი); იურიდიული ან/და ფაქტიური მისამართი: -----; ტელ. -----; საიდენტიფიკაციო კოდი: ----- მომსახურე ბანკი: -----, კოდი: -----; ანგარიშის ნომერი -----.

2. ხელშეკრულების საგანი

2.1. ხელშეკრულების საგანს წარმოადგენს სამედიცინო და ზუსტი საზომი აპარატურის შეკეთება და ტექნიკური მომსახურება CPV კოდი - 50400000.

2.2. ხელშეკრულებით გათვალისწინებული მომსახურების აღწერილობა მოცემულია ფასების ცხრილში-დანართში, რომელიც წარმოადგენს ხელშეკრულების განუყოფელ ნაწილს;

3. ფასი და ანგარიშსწორების პირობები.

3.1. შესყიდვის ობიექტის ჯამური ღირებულება შეადგენს ----- (თანხა ციფრებით და სიტყვიერად) ლარს, რომელიც მოიცავს მიმწოდებლის ყველა ხარჯს, დაკავშირებულ მომსახურების გაწევასთან, მათ შორის კანონმდებლობით დადგენილ ყველა გადასახადს.

3.2. შესყიდვის ობიექტის დეტალური განფასება მოცემულია ფასების ცხრილში-დანართი N;

3.3. ანგარიშსწორება მოხდება უნაღდო ანგარიშსწორებით ლარში, ფაქტიურად გაწეული მომსახურების ღირებულების მიხედვით, მიღება-ჩაბარების აქტის გაფორმებიდან და სავალდებულო საგადასახადო დოკუმენტაციის წარმოდგენიდან 10 სამუშაო დღეში.

3.4. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

4. მოწოდების პირობები, ხარისხი და გარანტია

4.1. მომსახურება უნდა განხორციელდეს ხელშეკრულების ----- ჩათვლით;

4.2. მომსახურება ერთდროულად უნდა შესაბამებოდეს ამ ხელშეკრულებით და შემსყიდველის მიერ ტენდერში განსაზღვრულ ტექნიკურ პირობებს.

4.3. მიმწოდებელი ვალდებულია შემსყიდველს გაუწიოს კვალიფიციური და მაღალი დონის მომსახურება, რომელიც შეესაბამება საქართველოს კანონმდებლობასა და საერთაშორისო სტანდარტებს.

5. შესყიდვის ობიექტის მიღება-ჩაბარების წესი.

5.1. გაწეული მომსახურების მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტების გაფორმებით (მიმწოდებელი ვალდებულია მიღება-ჩაბარების აქტი წარუდგინოს შემსყიდველს თანდართული ფორმის შესაბამისად).

5.2. მომსახურების მიღება-ჩაბარებაზე პასუხისმგებელი პირია: -----.

6. ხელშეკრულების შესრულების კონტროლი

6.1. შემსყიდველი იტოვებს უფლებას განხორციელოს კონტროლი რათა დარწმუნდეს მომსახურების შესაბამისობაში ხელშეკრულებით გათვალისწინებულ ტექნიკურ პირობებთან.

6.2. კონტროლი განხორციელდება შემდეგი ფორმით:

6.2.1 მომსახურების განხორციელების შეთანხმებული ვადების და რაოდენობის დაცვის მონიტორინგი;

6.3. იმ შემთხვევაში, თუ კონტროლისას გამოვლინდა ნაკლი, შემსყიდველი ადგენს შესაბამის აქტს, სადაც მიუთითებს მომსახურების ნაკლოვანების შესახებ.

7. ხელშეკრულებაში ცვლილების შეტანა

7.1. ხელშეკრულების პირობებში არ დაიშვება ცვლილება ორივე მხარის მიერ ხელმოწერილი წერილობითი შესწორებების გარდა.

7.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3. ნებისმიერი ცვლილება, რომელსაც მოჰყვება ხელშეკრულების ფასის ზრდა ან შემსყიდველისთვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

7.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. ხელშეკრულების პირობების შეუსრულებლობა

8.1. ამ ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს კანონმდებლობით, ამ ხელშეკრულებით გათვალისწინებული პირობებით და წესით. თითოეული მხარე ვალდებულია მეორე მხარეს აუნაზღაუროს ვალდებულებების შეუსრულებლობით გამოწვეული ნებისმიერი პირდაპირი თუ არაპირდაპირი ზიანი;

8.2. "შემსყიდველის" მიერ ფინანსური ვალდებულების დროულად შეუსრულებლობის, ან არაჯეროვნად შესრულების შემთხვევაში "მიმწოდებელს" უფლება აქვს დააკისროს პირგასამტეხლო იმ პერიოდისათვის არსებული ფინანსური ვალდებულების 0.02%-ის ოდენობით ყოველ ვადაგადაცილებულ დღეზე.

8.3. "მიმწოდებლის" მიერ ნაკისრი ვალდებულების დროულად შეუსრულებლობის, ან არაჯეროვნად შესრულების შემთხვევაში "შემსყიდველს" უფლება აქვს დააკისროს პირგასამტეხლო შეუსრულებელი ვალდებულებების ღირებულების 0.02%-ის ოდენობით ყოველ ვადაგადაცილებულ დღეზე.

8.4. თუ ვადაგადაცილებული დღეების რაოდენობა გადაჭარბებს 10 დღეს შემსყიდველი უფლებამოსილია შეწყვიტოს ხელშეკრულება და მიმწოდებელი დააჯარიმოს ხელშეკრულების ჯამური ღირებულების 20%-ის ოდენობით.

8.5. თუ ხელშეკრულების შესრულება განხორციელდა ნაწილობრივ, მიმწოდებლის უშუალო გაფრთხილებიდან 10 დღეში, შემსყიდველი ორგანიზაცია უფლებამოსილია შეწყვიტოს ხელშეკრულება და მიმწოდებელი დააჯარიმოს შეუსრულებელი ვალდებულებების 10%-ის ოდენობით.

8.6. საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან 10 კალენდარული დღის ვადაში.

8.7. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

8.8. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით.

9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი.

9.2. ამ მუხლის მიზნებისთვის „ფორს-მაჟორი“ ნიშნავს მხარეებისთვის გადაულახავ ან მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლისშეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის ან/და მომსახურების მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლების დამოუკიდებელი იქნებოდნენ ფორს-მაჟორული გარემოებების ზეგავლენისგან.

10. სადაო საკითხების გადაწყვეტა

10.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

10.2. თუ ასეთი მოლაპარაკებების დაწყებიდან 5 დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლებელია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

11. გამოყენებული სამართალი

11.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12. ხელშეკრულების ენა და შეტყობინება

12.1. ხელშეკრულება შედგენილია 2 ეგზემპლარად ქართულ ენაზე და თითოეულ მათგანს თანაბარი იურიდიული ძალა აქვს;

12.2. ხელშეკრულების ერთი ეგზემპლარი ინახება „მიმწოდებელთან“, ერთი ეგზემპლარი – „შემსყიდველთან“;

12.3. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება

13. გადასახადები და დაბეგვრა

13.1. უცხოელი მიმწოდებელი პასუხს აგებს გასაწევ მომსახურებასთან დაკავშირებულ ყველა იმ გადასახადის, მოსაკრებლის და სხვა გადასახადების გადახდაზე, რომლებიც გადასახდელია საქართველოს ფარგლებში და მის გარეთ.

13.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე.

14. ხელშეკრულების მოქმედების ვადა

14.1 წინდამდებარე ხელშეკრულება ძალაშია ხელშეკრულების გაფორმების დღიდან და მოქმედებს -----ჩათვლით.

15. სხვა პირობები

15.1. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებით და რისკით.

15.3. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

16. მხარეთა ხელმოწერა:

შემსყიდველი:

მიმწოდებელი:

ქ. გორი

----- 2019წ.

მიღება-ჩაბარების აქტი (ნიმუში)

სსიპ- გიორგი აბრამიშვილის სახელობის საქართველოს თავდაცვის სამინისტროს სამხედრო ჰოსპიტალსა და-----
-----შორის 2019 წლის -- -----გაფორმებული №-----ხელშეკრულების პირობების შესაბამისად,

ჩვენ, ქვემოთ ხელის მომწერნი, ერთის მხრივ „შემსყიდველი“ სსიპ - გიორგი აბრამიშვილის სახელობის საქართველოს თავდაცვის სამინისტროს სამხედრო ჰოსპიტალი, წარმოდგენილი (ხელშეკრულების 5.2 პუნქტით განსაზღვრული პირი)სახით და მეორეს მხრივ „მიმწოდებელი“ ----- წარმოდგენილი ----- სახითვადგენთ ამ აქტს მასზედ, რომ გაწეულია მომსახურება ზემოაღნიშნული ხელშეკრულების ფარგლებში .

2019 წლის -- ----- გაფორმებული №-----ე ხელშეკრულებისპირობით სახელშეკრულებო ღირებულება შეადგენს -----
-----ლარს;

გაწეული მომსახურების ღირებულება შეადგენს ----- ლარი.

ასანაზღაურებელია ----- ლარი.

„შემსყიდველი“

„მიმწოდებელი“

სსიპ გიორგი აბრამიშვილის სახელობის

შპს -----

საქართველოს თავდაცვის სამინისტროს სამხედრო
ჰოსპიტალი

ს/კ -----

ს/კ 218064699

მიიღო : -----

ჩააბარა: -----